

新文豐出版公司印行

叢書集成續編

一二五

叢書集成續編 第二二五冊目錄

文學類




詩文別集——宋

錢唐章先生文集十八卷附錄一卷（原缺卷一、二）	宋	章 驥撰	武林往哲	一
洛陽九老祖龍學文集十六卷附錄一卷	宋	祖無擇撰	宋 人	二七九
文潞公文集四十卷	宋	文彥博撰	山 右	三七五
舒嬾堂詩文存三卷首一卷補遺一卷附錄一卷	宋	舒 亶撰		
後山先生集三十卷	民	張壽鏞輯	四 明	五〇五
豐清敏遺書七卷	民	馮貞群輯		
詩文輯存一卷	宋	陳師道著	適 園	五四七
奏疏輯存一卷	宋	張壽鏞輯	四 明	七一九
遺事並附錄二卷	宋	豐 稷撰		七二二
遺事新增附錄一卷	宋	李 朴撰		七三〇
遺事續增附錄一卷	明	豐 慶編		七五二
遺事校勘記一卷	民	張壽鏞輯		七五六
	民	張壽鏞編		七七〇

八生泉
香
聿
先
文
鏤
十
香
巴

平湖徐





錢唐韋先生集本二十卷最後二卷爲其子遺失其孫能定懼復亡逸謹舉十八卷刊於臨汀郡庠綴有題記時在乾道四年也年久板壞雖寫本亦不易見四庫館所據本僅十六卷而止又首闕二卷遂移卷三爲卷一實著錄者十四卷耳此本爲吾杭瓶花齋吳氏從乾道本影寫敦復上舍復加校正構字註太上皇帝御名春字註今上御名每頁二十行行二十字猶存宋槧之舊卷一二亦闕卷三至卷九古今體詩卷十表卷十一啟卷十二至十四疏狀卷十五十六書祝文祭文青詞墓誌卷十七記序詩論策問卷十八雜著歌詞較四庫增十七十八兩卷未附

錢唐集提要

陳師錫墓誌稱其政事亦有可述不僅以文章著也歸安陸氏剛甫嘗仿盧氏羣書拾補刊其十七十八兩卷然讀先生文者仍無以得其全集況并未見陸氏之書者乎因據吳氏本悉登諸本惜拘於叢刻板式未能依宋槧行款爲嫌耳助余校字者餘杭孫補山學博樹義仁和羅槩臣明經槩也光緒二十二年秋八月下浣同邑後學丁丙

欽定四庫全書總目

錢唐集十四卷

宋韋驥撰驥字子駿錢唐人皇祐五年進士除知袁州萍鄉縣歷福建轉運判官主客郎中出爲夔路提刑建中靖國初除知明州乞宮祠以左朝議大夫提舉杭州洞霄宮卒其事蹟不見於宋史而集中所載表狀祭文諸篇署銜尙存可以得其大概馬端臨經籍考有錢唐韋先生集十八卷宋史藝文志卷數亦同是編原本十六卷前有收藏家題識云宋版韋驥集係明吳寬家藏本原闕第一第二卷實止十四卷檢勘

錢唐集提要

書中凡構字皆空闕而註其下云太上皇帝御名當由孝宗時刊本鈔傳特所闕兩卷諸本皆同今已末由考補耳驥少以詞賦知名王安石最稱其借箸賦而集中未見考宋史藝文志驥別有賦二十卷當別在賦集之內而今佚之矣其古體詩亦已不完而梗概尙具觀其氣格大抵不屑屑於規撫唐人而密詠恬吟頗有自然之趣雜文多安雅有法而四六表版爲尤工其精麗流逸已開南宋一派雖未能接蹟歐梅要亦一時才傑之士也謹釐改目次卽所存之本以第三卷爲第一定爲一十四卷著之於錄屢

經傳寫脫落頗多世無別本其可知者隨文校
正其不可知者則姑從闕疑之義焉

錢唐韋先生文集卷第一

錢唐韋先生文集卷第二

韋先生集卷二

錢塘韋先生文集卷第三

古今體詩

和鄧舍人讀之罍碑二十韻

之罍之碑何所刻昔者秦人紀秦德風鏤日鐫斷璞
昏雨暴冰殘老龜圻微芒遺宇三四行容易歷年千
五百文詞事實可攷求賴有子長修簡策始皇末年
氣益矜輕視天下夸功名玉墀金戶厭宮殿不遠萬
里爲游行鼓鐘帷帳不移徙所至毫髮皆如情溫寒
清暑迴造化絕深度險安經營徐市盧生巧窺測浪
語神仙致君惑東巡亟欲見三山從此海壖來轍迹
神仙杳邈不可攀六龍迴首滄波碧從臣無以慰躊

韋先生集卷三

一

躊請陳勳業刊諸石高文大句如形容將以榮耀傳
無窮銀鉤玉箸勒未久變故恍惚如飄風人心恚望
鬼神怒瀉池神怪俄符同禍泰非胡日在國長城未
畢咸陽空空遺此石蒼崖裏萬古悠悠辨終始雖然
篆刻半缺訛至今不得藏虛美世人往往愛瑰奇蠟
澤松煙印之紙覽觀莫不哀所爲豈獨玩焉而已矣

送皮獻臣郎中赴河朔

提按便羅
袁州作

明公器業真無敵術學精深貫今昔胷中應變勇所
爲韜養許誰窺畛域立朝壯齒名已高君相都俞采
風跡擢從畿邑超等倫真之計府憑宣力古來才盛
多見排議論波濤起尋尺剖符江表雖左遷憤恤何

嘗動顏色惟思補報誠益勤奚翅循牆驚寵錫鋤茲
整敝皆得要百事詳求不容隙宜陽編戶十萬餘疲
瘵彌年逢藥石旄倪愛戴憂公去口頌心祈繼朝夕
除書忽爾天上來借寇無緣徒悵惜汝曹固恨奪慈
父上意其如念河北河北近罹災變深墊溺之餘病
艱食經營調度難其任正是廟堂精選擇此時委寄
非平時賢者豈辭當遠適長川六月風雲爽冉冉雙
旌標畫鷁送行擁岸車馬稠總德尤多淚霑臆袁民
慎勿挽公舟蚤看公歸廣膏澤

觀劈石

籃輿遠冒西山色宛轉羊腸踏寒碧巖岨深處屢騰

韋先生集卷三

二

聲何事晴雲多霹靂尋聲迤邐過枯林始見羣工劈
山石斧斤鋒刃奚足云鐵楔縱橫乃爲力隨文察理
以段致大或尋常小盈尺心冥手應出自然不啻庖
丁操騶吾問其勤苦將胡爲驅車運致希酬直牛山
濯濯摧採伐萌蘖悄如無夜息此山遭值甚牛山攻
擊何年可終極石頑人智其奈何智巧反爲天地賊
和殘臘幽谷西遊適

晴光泛泛山之阿谷禽朝飛聲已和溪面冰消玉沙
活臨溪逆想春風過忽來忽往祇隨興騁從屏真殊
無多略挽梅梢數纖蕊後日重來添幾何

賦金橋得曲字

結根長江左移植清流曲朝暉斂夜霜香苞間寒綠
落落黃金九堆盤照明玉遠想洞庭姿宜慙風韻俗
咀嚼聊一評嗜甘毋見辱

卽席

金爐獸燄迴春律碧瓊燈花資野逸蠟枝翦斷玉蓮
光歌扇舞茵爭秀出主人醉賓賓醉德傾兀不慙冠
武側一時陳迹去莫追此段清歡寧易得

復用前韻謝和鄙篇以送行縣

耐衝曉霧孤裘密亂踏寒霜馬蹄逸偏行屬邑敢憚
勞樂歲償逋民易出雲間想戀雙旌色跋轡長坡首
頻側更懷珍句重見酬一顆驪珠探領得

韋先生集卷三

三

和待梅花從一字至十字句

梅遲迴雪已消花未開傍山林館近水亭臺相期白
玉蕊數費碧雲才況有冰霜對偶且無蜂蝶嫌猜含
蓄清香知自負包藏幽豔俟誰來嶺頭信兮使騎未
至樓間怨兮角聲已哀提壺秉筆兮酣詠其側花神
有知兮得不留心哉

藥傷才小補此時得雨誠可歌千里一情同鼓舞邦
人欽誦太守吟太守憐民過慈父

和新晴

晴溪綠干藍舴艋隨風泛春光一何明山川在軒檻
杖履登青臯牽條繫柔纜追攀盡幽興尋源達觴盞
早春遊王氏園看牡丹約花開再遊探韻賦詩
得早字

蜿蜒溪岸芳草似覺城東春色早並溪穿竹入幽
林已愛和風養華藻參差彫檻木芍藥細葉新抽看
漸好花開使節儻尙留願奉清樽爲花倒

和留春亭席上送蘇判官

韋先生集卷三

四

淮野征途人鄰邦蓮幕客飛鳥逸鞭聲遙山引行色
歸歟況春近林芳多甲坼投宿可收燈囊中夜光白
以君得幹林新句故有是云

飲櫻桃園

拂開尖出櫻桃表花枝巧向春風裊四座交飛白玉
船一聲相勸提壺鳥搖搖畫隼青天杳落日酣歌近
芳草撥開塵澳從清遊安得樽前辭醉倒

州宅牡丹盛開蒙翦欄中奇品見贈仍屬爲短

歌於席上

永陽州宅如仙隱花藥妝春有畦畛牡丹開處綵爲
欄翠幕障風怯風緊日高花醒一開筵酒殘照花花

自哂東君不負禁林人猛放傍施肆鉤引莫教狂雨
妬清歡狂雨來時似秋槿主人愛客令剪送一朵綵
雲離玉筍飲量恨非千丈陂欲吸面嘲還噪啗殷勤
厚意不可酬謾作短歌羞不敏

新泉

美泉在山人不知美泉出山還有時琅邪之東幽谷
西公來發此清漣漪搜尋土脈示山叟霜鏤入土荆
榛披逡巡方丈露澄瑩十目爭看青琉璃一之二之
來觴沸嶺猿驚嘯溪禽飛呼工叢手發白石玉匣寶
鑑生光輝自從開鑿貯寒碧朝雲夜月常遲遲春華
將近天氣爽公攜賓從何逶迤回環欄檻照丹碧顚

韋先生集卷三

五

賦醺醺短歌少留行旆

醺醺高架凌春風飄然疑與天香同瓊英綠葉何玲
瓏開樽爛賞情無窮把酒祝花花且記玉堂仙人將
整轡柔條好爲挽雲輶少慰邦人戀軒意

曉雨離銅山驛

北風吹雲頭不散山雨蕭蕭夜將旦起來勉強著征
衣索馬躊躇就途晏岡泥漸滑沮過邁林靄正濃迷
遠盼旅懷慘鬱亦所宜安得秋陽露霄漢

宿景德方丈

塵迹走塵途禪林少禪客我來宿方丈但愛秋月白
夜分始就寢萬籟同一默清輝滿紗幌歸夢徒反側
木魚雖無心琅琅動吾息

鵝湖仁壽寺

環抱煙雲峯坦夷杉松逕古寺聊稅輶忻然遇幽勝
躋攀上崖閣足以遠眺聽秋花或丹紫殘蟬尙呼應
著處有佳趣征途自無定臨風誦韓詩兩事皆害性

石井泉

淺淺山下洞澄澄洞中泉泉聲寂無聞泉色碧於天
鮮纓不欲濯瑩澈殊可憐掬飲聊漱甘願我心常燭

韋先生集卷三

六

上饒祥符寺山亭

時太守劉
載酒率遊

聯舟以爲梁度溪卽幽寺危亭躡層雲遠日得以肆
城中樓閣多水外峯巒翠地主喜載酒相從車馬萃
客心正悠悠嚴闥促回轡

月巖

一等造化功此巖以異絕其高僅齊雲中空杳如月
如月月不圓望之光芒全何人植蒼桂婆娑亦相緣
凡物偶有象愛好獨難偏強名雖自人所得重天然
詩人術巧思或比蝕與弦由來假借中奚必加鑽研

九日鳳凰寺

節物驚重九區區尙山行固無登高約遲明卽修程

下馬入古寺勝懸鳳凰名來巢古所傳至今得微稱
拂席坐其堂耳目一以清歛然壯穉集往往持盤盥
問其何以至云此謝秋成年年當此時村落相經營
薄具煥旬餽所將惟至誠感此良自歎吾生殆如萍
從仕徒衮衮退亦無田耕去歲嘗爲客今辰復遄征
佳節眼前過有酒難獨傾紫萸金菊花何以爲芳馨
豈如羣野人踴躍自紆情行矣姑勉強義命心所明

過婺源諸嶺

古言行路難非獨在險阻茲焉婺源道登嶺足勞苦
所謂路之難其他未足數躋攀上崎嶇僅與猿狖伍
下臨萬丈崖險黑不可睹馬蹄長及腹僕領幾著土

韋先生集卷三

七

仰盼飛鳥背俯躡游雲縷藤蘿爲所依用力必審舉
終日踐羊腸天寒汗如雨凝結本無心開鑿知強取
君不見世情險惡未易論此嶺雖高前孰禦

古金章

全椒民間二稚子得金章於野
分而競焉人於縣縣以獻州

黃金鑄印龜爲紐埋沒郊原已緜久春泥深處襯耕
蹄臘雪銷時經獵走臘去春來幾百年年年寂寞無
黃緣不知何代何王賜於此奚爲獨墜捐由來至寶
寧長棄一旦光輝難自祕牧兒羣子兩窺觀不識彫
章祇知利里胥白官官爲收歛從下邑歸之州發囊
啟襲生精彩十目爭視寒星流粲然五字分明在蒼
龍副將軍所佩將軍安在惟空名方寸堅剛終不潰

物否而通理所宜在人誰謂殊於斯請看金印雜瓦
礫未逢採拾毋輕嗤

中和堂

秋陽遠泛秋山色越嶠連雲聳深碧廓然千里會一
堂勢壓全吳迴無敵古今貴耳不貴目力丈蓬萊徒
記籍安知嚴麗非壺中登覽渾疑脫塵迹芙蓉耐霜
紅雨行杉檜凌空翠千尺捲簾樽俎當清風大白一
飛羣慮釋熈熈輝光生舊勝公以中和樂邦職又欽
德操必有鄰朝夕堂陰看七石

寒菊

中冬十日

皎皎園中霜鮮鮮砌間菊長至破旬來茲芳乃幽獨
豈其時使然寒威未加肅又豈各有命榮謝分遲速
如何纖柔質堅可敵松竹綠葉共威蕤金英相陸續
究之得所自養助爲之福去蠹誘童稚翦蒿專野僕
恐弱卽枝扶憂乾必澆沃北風賴密樊朝暉借餘燠
侵牟絕蜂蝶蹴踈無雞鷄得以保天材隆冬尙芬馥
一溉必後枯嵇生論尤篤孟軻亦嘗歎濯濯牛山木
奚獨物有是在人宜慎毓關節防疾疢驅除先嗜慾
所養重於心非徒口與腹所履正乎道非從險與曲
紛華靡交戰伎害盡消逐自然致沖和久壽不遭促
持茲養生理可繼喬松躅興作寒菊詩葩浮寧傳俗

題君佐寓翁庵

人生擾擾無非寓以寓名庵深得趣寓翁之庵年月
多一日持文索詩句乃知主意不在詩欲以斯言昭
未悟吾儕又賦寓翁庵附贅懸疣下關

觀江都王畫拳毛騮

憶昔曾觀名畫記畫馬獨貴江都王當時所畫拳毛
騮聲名氣格凌有唐太宗愛之自題識縑素翕絕生
輝光何年流落傳人間至今不泯猶珍藏高堂邂逅
一注目髣髴神駿如騰驤拳毛騮非凡馬匹天駟之
精爲時出虬鬚英主數跨鞍出入戈鋌勢飄逸穀州
洛水血戰酣電轉風馳萬人屈櫓槍掃盡社稷牢歸
來始覺金創密江都能事妙入神落筆奪得造化真

韋先生集卷三

九

星瞳月頰批竹耳一毫不謬誠絕倫時移物化丹青
在後世乃識真騏驎寂寥莫繼數百載世間唯有曹
將軍將軍畫馬超儔侶於此區區奚足數爲圖謾雜
師子花忍使龍媒失其處予知此畫名實兼虛美安
能動今古歎嗟不足聊一歌卻愧辭華非杜甫

求陳和叔草書千文

伯英臨池池水黑世稱草聖眞無敵逸少奇蹤昔所
珍曾爲換鵝書道德晚有張顛尤怪偉意自公孫劍
中得由來傳播千百年筆法至今爲準的近時此學
雖彫零妙絕何嘗虛賞識唯公氣格出天然揮掃能
兼古人蹟縱如烟海魚龍遊俊若秋天鷹隼擊幹旋

舒慘在術內心通手應難窺測曩傳法帖久已真安
得千文飽矜式越溪明楮白於霜畫永願公飛電墨
謝中書張侍郎分惠賜冰

蒸雲熾結炎威稔紫禁傳宣馳內品頒冰首及輔臣
家三伏歛成秋氣凜寒光瑩澈帶恩輝圭角崢嶸出
天稟紅塵不敢傍朱門溽暑何由近華寢無瑕獨愜
水精盤薦冷潛被文石枕池鳳應思引輕喙鼎梅亦
覲清餘餽蝸廬窮處厭煩酷嘉惠分霑幸尤甚兒童
驚目且相懼蠅蚋竄身寧自審荷公借潤變焦枯食
藥肺腸方渴飲強持累旬冒鈞衡深愧才華非鮑沈
暮夜還家得清叟所留二詩因以謝

韋先生集卷三

十

暑雲結雨殊蒸鬱騎馬天街塵土沕汗漬巾冠溜墨
珠兩目昏眊睛忽忽入門下馬意欸紆一派清風偶
飄拂豁然自喜方自疑短軸碧牋僮捧出開卷知爲
清叟詩濯熱蠲煩一何疾清叟之詩豪且麗筆力滂
葩少儔匹上篇首吟東府西壁之畫竹髣髴龍孫見
奇質繼言手植湘川斑一一琅玕露蕭瑟次篇追憶
錢塘西湖之荷花十里紅香夢難必形容模寫極纖
妙造物無心爲之屈繫余何幸併獲觀冰飲玉壺清
澈骨須臾狂霍轟雷車至寶似難安陋室欲還卻記
古人言在處護藏宜有物且攄鄙思酢所貽無以續
貂還見詰

昨日輒以鄙句奉謝重辱長篇爲慰再藉來韻

和答次韻

星梁曉影初日瞰銀潢下沃崑岡焚鐵騎騰突方迫
奔瓊璫入水體自溫翩翩夢翼飛天門異香氣力能
返魂真珠傾瀉琉璃盆青銅古鏡磨塵昏知音聽鳳
裁龍孫重然寶劍垂荒墳扶搖九萬觀化鯤君詩體
格能並存大言軟語清兼渾搜索物象窮乾坤瓊牋
碾出花無根字字馥郁如芳蓀至寶無價難輕論洪
波蕩縱長鯨吞元化運轉通崑崙探賈不見雕鐫痕
胡爲及我窮陋門守護固乏有與賁美材誰薦爲犧
樽羃之疏布飾以琨致用清廟非常恩

章先生集卷三

十二

和彥常看月

雙扉窈窕疑仙穴鎖宿彌旬塵事絕夜色蕭然鼓二
更聯步空庭望寒月眾星掩抑天無雲萬瓦鱗鱗帶
霜雪俯看腐草亦光輝仰數冥鴻自行行列瑤臺十二
好裴徊銀界三千孰分別鉤簾卻坐未欲寢況有高
談助清澈忽忽置酒當虛欄餽餽飮餽殊微纖長檠
徹去不復用豈假密炬徒炎炎追思李杜篇章妙亦
有狂語時相兼舉杯勸飲一何怪斫桂浪恣尤難厭
豈如我輩賞以意一觴一詠情何恬興闌影側各分
散心月兩適俱無嫌

謝鄭州張資政惠書寄酥十四韻

崢嶸歲律垂更舊蕪室蕭然度清晝追想牙旌欲首
途策羸取別嘗重復躊躇去德不勝情歸迫嚴闔僅
能走歛驚霜月再望西向拳拳使心疚心之疚兮
日益深使者踵門書忽投燦然誨語盈累幅字字輝
華敵瓊琇殷勤曉與奚所貽紙尾復題酥以侑開緘
珍視未敢嘗捧重臨風且三嗅初疑黃玉可如泥和
以露華凝不溜又訝仙膏久鍊成自有光芒發昏瞶
輕言豈學陸機對以況尊羹一何謬依稀乳酒下青
雲詩慕少陵慙淺陋汪洋惠意不可酬七箸姑停聊
密覆留向春朝助後觴卻望台星祝公壽

之文

十月十四日離益昌
十九日叩提館作

章先生集卷三

十二

薄晚出城闌江橋渡清徹暝投僧居宿虛閣對圓月
收燈納寒光瑩淨見毫末久之未即臥爽氣愛軒豁
既眠復輾轉竟夕灘聲聒嚶嚶辨初鳴隸報馬已秣
就途諏所歷七驛皆岑絕自茲五昏曉寢食乃其歇
肩昇及攬轡必步由險輟側身經崎嶇仰首睨嵒嶮
榮棧遠如綫危處甚茗髮獨摧跨不測震足殊脆脆
履之爲不疑無乃微幸切緣崖矚飛濤盡眼噴霜雪
往往生眩轉收盼不敢瞥間或得佳趣終多備驚蹶
高峯撼玉枕日射增皎潔因以名其村野老能指說
蘧廬盡流泉夜響每淒咽哀吟聽後狹殘星半明滅
邊城行漸近山勢如削鐵跋屨愈艱苦氣象且彫缺

蕭條道旁舍編版代瓦設田婦負所汲焉肩語嘲哂
對此動歎嗟聞里念遠別我行緣所職期會尤慎發
指日鳩羣眾鄉兵謹冬閱腰弓盈半萬著令明賞罰
顧顧覬訖事且憚糧糗竭唯予敢自暇憩止養關節
所以圖兼程龜勉強羸劣讀書貴行志王事無瑣屑
致身非青雲努力乏奇烈天涯適馳走使指亦忝竊
何當成歲課歸奏黃金闕解組雖未能乞麾漸歛拙
優游近吾土庶便松楸謁遐想無以止作詩紆鬱結

小仲渡

山椒積雪尙堆瓊山下桃花已開錦若教傳畫入中
州便謂仙家事難審

得鹿

利州高平道

韋先生集卷三

主

呦呦山中鹿倉卒出深藪車徒歛以至驚顧卻衝走
荷篋適當之觚觸難措手一夫不能勝犄角賴前後
我馬止其所險隘不敢驟思欲縱之去騰突懼反受
蹙蹙繫四足憤氣徒陰吼更番耦八肩雙隻度九堠
順風率汗背暮達行館右解徽置中庭微息已絕脰
事殊注虞旗難以公私割鬻割遇善屠駢若聲隨肘
均霑及兵隸不使或濃厚投醪古所重況此徧羣口
聞音不食肉茲義子獨守猗嗟鹿之微其命殆非偶
不由馳獵窘不以呂獲誘逡巡赴死地有若杵投曰
無乃失所向猖狂自貽咎彼類榛莽間知而能警否

百堂寺

巍我江之干故跡百堂寺寺塾徙於旁遺太上皇十帝御名
一二百堂依巖崖像貌宛以備間雖或彫缺亦足起
敬畏江流幾淺深江木幾榮悴舟車日往還興寢誰
復議鑪香有餘燼無乃妄僥覬獨歎鐫鑿功絲歷何
所自

石櫃閣

一登石櫃閣載讀石櫃詩詩人不可作詩思清可思
至今江水流哀響猶依依佳趣想如古物是惟人非
孤煙起林坳夕鳥相與歸攬轡復前征長言解歎歎

石鑿

石鑿久已傳往還迷所自下馬詰亭卒指以水之溪
徐行卽其旁執鑿俟我至問其將胡爲云此久埋秘
泥沙亦易發應手可立致逡巡肆揮舉兩鑿露精粹
青如碧琅玕光瑩非琢治圓模出自然小大羌有貳
石根不可窮名鑿乃以類象物固其偶蕪沒良可喟
儻非以名求何以見珍異顧我乏高才爲詩強標識

過龍洞

曉過龍洞口秋雨寒江急難一撒星飛隨風光熠熠
危閣勢凌空履滑難擇一物馬蹄聲谷虛良易入
祇恐驚神怪轟雷起蟠一立不念懷安自公忘岌岌

和蘇進之同遊烏

山告成寺

長風掠疎林殘葉何悽
汗雲帶遠山半壓愁眉低
縱遊烏奴寺乃在嘉陵
嘉陵清且湍依約剡中溪
十月未成梁榜舟怯羣
工上下手往往哈州羣
繫纜卽肩昇踏石避角圭
山上嵯峨恍若登雲梯
下視飛鳥背仰聽驚猿啼
參差列佳境畫幅展不齊
崢嶸樓殿雄勢欲凌煙
霓香穗暗金像嵐光映
璇題寶函發神翰燿燦
壁與奎聖言達如天至
理豈易稽洗目幸榮觀
詎止徒攀躋四座敬無
譁寂默桃李蹊遺韶動
眾聽司南警羣迷茲辰
尤樂只併合又將聯鵬
搏九萬程鷁鵠一枝棲
其適固均耳安中養天倪

喜雨和曹子方

陳集先生集卷三

五

班超已老入玉關仲子欲絕得糟李洗腸術妙久疾
愈拜井誠危湧泉起較之今日遇滂沱彼情未足方
吾喜自從三月變旱暵百日警哲沸田里豚蹄楮醑
謾禱求朝夕叢祠致拳跪前根土乾類龜坼愁望油
雲杳無埃富憂攘奪貧憂臨疾首蹙額誰不爾噫子
豈獨釣爾憂反覆萬端思所以察冤遺滯督郡邑焚
巫暴厖固非理精虔賴我同僚賢甘澤應祈裁可弭
沛然傾注數十刻溝畎皆盈一何偉聞山草木亦增
輝萬口歡聲寧遽止翼朝又復得高篇磊落珠璣光
滿紙強酬珍貺愧拙疎兩喜相投當不鄙

武夷游仙詠

崔嵬倚天蒼翠勾羅列百里清無塵氣象不與凡山
鈞舉日已訝非前聞悠悠官道行溪濱不陟峻險仙
源分穿松度竹微荊榛古觀壯麗依嶙峋道人鶴氅
烏紗巾引我舉棹來長津橫灘激浪花如銀舟子敏
捷妙入神縈紆逆泝山之根兩壁萬仞千青雲如庵
如室如倉囷奇蹤怪狀何紛紛仰觀持久頭酸辛開
篷偃臥望始眞遺机斷脫鑪不燠漆棺不朽藏何身
雞窠亂草宛若新舟航六七排魚鱗半入崖丁誰施
陳輒疑太上皇帝御名置因昔人留此詭異矜常倫卻看危
峭無攀捫下禹丈深潭淪雖有智力何由伸此莫
謾詰徒自勤手披舊記煩咨詢逃想會仙奚所存兩

陳集先生集卷三

末

最大勢最尊當時曾集三千賓幔亭鋪設紫雲茵
酒味醇潔餽羞珍鳳荷香藝絕羣賓雲奏徹更幾
春飲散祇以夸曾孫神仙渺茫難重論此會此語相
傳云儼然遺迹尙不世厥祠唯奉武夷君潛有惠澤
均斯民我遊自午醺目力所得纔逡巡長言記
錄謫毫頓師仙術異非所欣但恨勝槩無緣鄰

行役一首

離建寧

浮梁跨寒溪出郭十餘里暝投僧舍宿月影清如水
更人還孤坐俄隱几逡巡念歲月彫疎驚鬢齒
少學雖自壯行何不偉胡爲浪奔走豈足稱使指
許國徒有歸田尙無擬徘徊仕路間老大良可恥

氣弱不耐飲詩多常累紙一吟聊破悶再詠漸輟理
以及百千言往往不能已且以養情性固非爭綺靡
此樂非絲竹美聽不在耳紆鬱得以紆易直油然而起
所以驅馳中冥搜未嘗弛今宵幸夷曠似匪塵紛邇
悠悠萬感集銷燦欲何以遂為行役篇篇成姑自喜
揮毫復吟諷若與嘉賓比疏泉以養泉所益不在彼
蛟蚓間相雜要之適吾已儻或不吾知奚恤譏狂斐
別李世美

御茶貢了文書閑靜一堂深生晝寂木蘭花謝葉成
陰霽日輝輝蕩輕碧主人為我開芳筵澹澹金樽泛
春色舉杯相屬念我行贈以長篇重圭璧聯官共職

章先生集卷三

七

誠意鈞踰歲光陰駒過隙自慙老鈍於事疎每幸高
才見裨益招攜地寶溢課輸立遺訟筒平鬱抑隔州
移粟賑疲忙指日毆兵斬狂賊走章馳檄公事外間
有賡酬副清適搜羅絕景窮造化鋪寫幽情露胃臆
今朝飲別接殷勤判袂分歧在朝夕萍蓬邂逅難期
度魚雁附託宜頻的願聆三節促歸軒聊慰馳情想
風格

和禮部蘇尚書釋栢

淵明植五柳萬古清風傳子猷種脩竹幽況亦飄然
崢嶸韓退之甘受庭楸牽由來高爽姿氣欲凌雲煙
嗜好晚凡近孰能窺後先嶽嶽尚書公聲華天下賢

儀曹經畫聞春日方暄妍不思葩蕝妖惟喜操節堅
呼工斬惡木買松種堂前培溉勞朝夕霜雪期千年
北垣有餘地虛鋪徒自憐名卿送珍材類至誠所緣
稗枯僅踰尺標致懷參天棋把念所養扶持必周旋
孤根舊土隨不使知其遷逡巡十旬浹生意何鮮鮮
棟梁他日功願遇此辰偏清詩為題品光芒耀星躔
枯榮詩不朽流芳共縣延後來戒翦伐當繼甘棠篇
和孔彥常侍郎癸酉冬雪

淳深等彭澤瑰怪輕玉川讀公冬雪吟爽氣何飄然
齋祠宿華省對此同雲天坐看積瓊瑤光輝想藍田
泥滓欲藏垢朽枯頓增妍紛紛布寒空往往迷飛仙

章先生集卷三

其

狐裘綢餘溫薰爐凝微煙清冷徹心骨復誰嘲畫
眠雄詞筆下驪若放春水船屢豐仍記歲諷味期他
年

留題忠州豐都景德觀

豐都縣北岷江側古觀崢嶸耀金碧層巒秀拔異羣
山喬木侵雲競千尺二仙去久丹竈冷王方平陰長生丹竈尚存
空載遺文在碑刻俗士紛紛徒歎嗟曾有何人繼真
跡

岑公洞

耽耽石洞天開鑄岑公之隱來何年一朝仙去名晦
然商人受香忘所傳舟楫不進方省僭奉香入洞舟

乃前靈蹤自此人拳拳至今乾溢皆致虔恍忽應禱
殊無偏我來敬謁歲欲遷艤泊沙磧登昇肩蹴踏錦
石行江壩洞門屣步侵雲煙瞻望塑像欽華顛挺之
作記誇唐賢勒珉雖昏辭尙全卻恨戾止非炎天不
見百尺懸飛泉唯有巖寶聲涓涓頃之自可遺塵緣
況乃投隙圖留連嗟予遠宦方拘攣搜奇尋勝姑勉
旃此日得此澄心淵安能擺脫追神僊臨崖浪筆書
長篇

追詠西園海棠

西園正月月欲殘海棠一株花正繁
滂葩豔豔鬪朝日露洗蜀錦紅光寒
回環桃李競無色卓爾獨秀當

韋先生集卷三

五

朱欄兩春行役不及見今日偶幸官身閒擬開金樽
恣歡賞酬酢宿恨開衰顏無何職事忽牽制遽戒舟
楫乘波瀾卻嗟逐物猶蒂芥未免回首興長歎悠悠
清夜入寤寐往往蝶夢曾飛還歸來綠葉空滿枝正
與老態相追攀須知樂事少如欲誰謂天意於人慳

楊內翰讀書堂

無爲山色參天碧翰林舊隱多遺跡跨鶴凌風去幾
年獨有文章光翕絕太上皇帝御名堂續志廣所存善矣
鵠原足餘力清白永隨風月久形容杳與塵埃隔伊爾
欸憶四紀前曾躡雲梯附鵬翼此堂坐想不復登設
寄長言勒巖石

八月十八日觀潮

浙湍浩淼連溟渤背晝潮頭卷沙出中秋三日日欲
西一歲之潮盛今日雪山橫互截江來巨浪翻空生
倏忽吳兒當此誇善泅執炬揚旗徐出沒旁觀奚止
動精爽壯士爲之猶股慄由來習俗競茲辰士女欣
然勇相率紛紛畢集繞長隄翠蓋成陰何櫛密邦侯
樂眾爲開筵歌管凌虛遏雲物玉堂鉅公臨右席賓
主交輝映暫紱注目應同濟川念賞心仍寓和民術
區區下客久不逢二紀光陰容易失幸陪高會還舊
觀聊解歎嗟揮老筆

讒龍

韋先生集卷三

十

退之昔日讒風伯今日吾友讒應龍應龍聞之兩耳
卓急卷海水飛長空陰雲晦暝爲後先變化赫日成
昏矇田間槁穗有生意號字屬橫盧醫逢望霓萬口
動一喜往往備賽求耕穡頃之氣象復舒霽飄灑尙
不遭溟濛龍乎奚爾不努力遽若有泉還收蹤天豈
虐斯民不欲爲年豐林林未必皆咎戾必有任責當
其凶斬君勿龍讒讒龍非無從旱乾水溢各有召應
咎不謬如洪鐘昭昭之鑒明且威豈敢曠久而忘功
一欲竊弄權滂霈私羣農震怒起旋踵蒞醢誰躬
慎無凝土像天矯晝夜狂舞青衣童精誠脩警感畢
聽朝暮青澤盈寰中